

Ass. Ena Gotovuša, MA iur.

Praktični zadatak II – 10.04.2020.

Studentica XY studira na Pravnom fakultetu u Sarajevu. Tokom školske godine boravi u stanu svog očuha na adresi Pere Perića 37 na kojoj je i prijavljena. Koristeći praznike otputovala je na produženi vikend kod prijateljice u Mostar. Rano ujutro, prije 07:00 sati, probudio je telefonski poziv sa nepoznatog broja. Osoba sa druge strane linije se predstavila imenom i prezimenom, te naznačila da je policijski službenik, nakon čega je uputila više pitanja: da li je ona vlasnica stana na adresi Pere Perića 37 i da li tu živi?

Zatečena ranojutarnjim pozivom studentica XY je odgovorila da je vlasnik stana njen očuh, da ona inače živi u tom stanu, ali da trenutno nije u Sarajevu. Upitala je zašto su tražene informacije potrebne. Policijski službenik je odgovorio da postoji sumnja da u predmetnom stanu živi izvjesna „Nejra“ za kojom je raspisana potjernica, te da je potrebno da čim prije dođe na adresu tj. pred stan, te da ukoliko ona nije u mogućnosti da dođe da pošalje člana domaćinstva ili nekoga ko ima ključ od stana. Također, raspitivao se o drugim stanarima u zgradi, konkretno u susjednom stanu. Ne želeći da se upušta u dalju konverzaciju sa licem koje se predstavilo kao policijski službenik, studentica je dala broj telefona svoje majke. Lice je kontaktiralo majku studentice XY sa skrivenog broja, ponovilo da je policijski službenik, insistiralo da se neko pojavi na datoj adresi i omogućiti ulazak policajcima u stan radi izvršenja sudskog naloga za pretresanje. Majka studentice XY nije željela postupiti po zahtjevu lica koje se predstavilo kao policijski službenik i jasno je istakla da ne može biti sigurna da je uopšte kontaktirana od strane policijskog službenika. Nakon pola sata isto lice je opet kontaktiralo majku studentice XY i obavijestilo da su u susjednom stanu pronašli sve što su trebali.

Pitanja za razmotriti:

1. Da li su policijski službenici mogli izvršiti pretresanje predmetnog stana bez sudske naredbe i bez kontakiranja studentice XY i njene majke i u kojim slučajevima?
2. Ako su policijski službenici zaista imali sudsku naredbu za pretresanje stana kako su trebali postupiti pri njenom izvršenju?
3. Vezano za prethodno pitanje kako biste Vi, kao policijski službenik, u konkretnom slučaju dokazali svoj identitet?